

Izveštaj o misiji

Twinning projekat: BA05-IB-AG-01

Ime eksperta:		DR. BAMBAUER	
Aktivnost br.	2.2	Datum posjete:	04.06. – 05.06.2007

1. Identifikacija

- Aktivnosti koje se trebaju poduzeti u skladu s Projektnim zadacima
 - 1.) Sastanak s direktorom Ureda za veterinarstvo i glavnim veterinarskim službenicima entiteta («Task Force» grupa za legislativu)
 - 2.) Zaključci o službenom imenovanju i početku rada radne grupe za legislativu.
- Sastanak održan sa sljedećim osobama:
 - Dr. Bagarić (Direktor Ureda za veterinarstvo BiH)
 - Dr. Rajković (Glavni veterinarski službenik u Federaciji),
 - Dr. Nedić (Glavni veterinarski službenik u Republici Srpskoj),
 - Dr. Nihad Fejzić, Zamjenik direktora, Ured za veterinarstvo
 - Dr. Schollmeyer (RTA, BA05-IB-AG-01)
 - Zorana Mehmedbašić, državna veterinarska služba
 - Dr. Edin Lendo, asistent RTA

2. Opis aktivnosti tokom posjete

- Priprema sastanka s nadležnim veterinarskim službenicima sa državnog i entitetskog nivoa
- Sastanak s glavnim veterinarskim službenicima s državnog i entitetskog nivoa
- Diskusija i priprema zaključaka sa sastanka

Na kraju misije data je službena zabilješka u kojoj je opisana misija i napredak ostvaren na sastanku 04.06.2007. godine, zajedno sa zaključcima i preporukama.

3. Rezultati

Ciljevi misije bili su:

- Promoviranje osnivanja radne grupe za izradu veterinarske legislative u BiH; radna grupa treba biti sastavljena od članova državne i entitetske veterinarske službe.

Rezultat:

Sporazum o stvaranju radne grupe za legislativu sastavljene od članova državne i entitetskih veterinarskih službi:

Na sastanku održanom dana 04.06.2007. godine prisutni su bili: dr. Bagarić (direktor Ureda za veterinarstvo BiH), dr. Rajković (glavni veterinarski službenik u Federaciji BiH), dr. Nedić (glavni veterinarski službenik u Republici Srpskoj), dr. Schollmeyer (RTA, BA05-IB-AG-01) i dr. Bambauer (STE ekspert).

Rezultat sastanka je sporazum državne i entitetskih veterinarskih službi (Federacije BiH i Republike Srpske) o službenom imenovanju radne grupe za legislativu.

Dogovoreno je da će radna grupa imati sljedeće zadatke:

- Prikupljanje svih podzakonskih akata iz oblasti veterinarstva u BiH. Prikupljeni podzakonski akti trebaju biti grupirani u: (a) podzakonske akte koji nisu potrebni (nisu više ili nisu uopšte potrebni), (b) podzakonske akte koje treba izmijeniti ili dopuniti (kako bi bili u skladu s propisima EU) i (c) podzakonske akte koji su već u skladu s legislativom EU.
- Pravljenje uporednih tabela (poređenje postojećih podzakonskih akata u BiH s legislativom EU) za podzakonske akte iz grupe (b) i (c).
- Pravljenje nacrtu izmjena i dopuna podzakonskih akata gdje god je to potrebno
- Pravljenje nacrtu novih podzakonskih akata za neke bolesti, ukoliko takvih akti ne postoje, a u skladu s propisima EU.
- Pravljenje prijedloga za izmjene i dopune zakona o veterinarstvu (nije prioritet).

Dogovoreno je da će grupa raditi pod sljedećim uvjetima:

- (1) Službeno imenovanje radne grupe od strane Direktora Ureda za veterinarstvo BiH
- (2) Članove grupe predlažu entiteti i Distrikt Brčko, te država.

- (3) Cilj je imati 7 osoba u radnoj grupi (2 iz RS, 2 iz Federacije, 2 sa državnog nivoa, 1 iz Brčkog)
- (4) Nadzor nad grupom vrši Direktor Ureda za veterinarstvo i glavni službenici veterinarskih službi entiteta i Distrikta Brčko.
- (5) Grupa će se sastajati 2 puta mjesečno i dostavljat će izvještaj o radu svaka dva mjeseca.
- (6) Članovi radne grupe dobit će naknadu za svoj rad
- (7) Članovi radne grupe trebaju između sebe odrediti predsjedavajućeg odgovornog za organizaciju radne grupe i sastanaka.

Bilješke i primjedbe navedene u okviru Rezultata br.2 u prvom izvještaju o misiji dr. Bambauera i dalje su validne i aktuelne.

Izvještaju su priloženi sljedeći primjeri uporednih tabela u kojima se upoređuju propisi EU s postojećim propisima ili nacrtima propisa određene zemlje:

ANEKS A

Obrazac popisa za poređenje sve veterinarske legislative u BiH s odgovarajućim Direktivama, Odlukama i Uredbama EU.

ANEKS B

Uporedna tabela u kojoj se poredi Uredba EU 999/2001 sa domaćim propisom (Stupac 2 sadrži domaći propis). Za Bosnu i Hercegovinu, sadržaj stupca 2 treba zamijeniti domaćim propisom iz Bosne i Hercegovine iz predmetne oblasti (pravila za sprečavanje, kontrolu i iskorjenjivanje određenih transmisivnih spongiformnih encefalopatija).

Aneks C

Uporedna tabela u kojoj se sa domaćim propisom poredi Direktiva Vijeća 96/23/EC od 29.04.1996. godine, o mjerama za praćenje nekih supstanci i njihovih rezidua u živim životinjama i proizvodima životinjskog porijekla. Za Bosnu i Hercegovinu, sadržaj stupca 2 treba zamijeniti domaćim propisom iz Bosne i Hercegovine iz predmetne oblasti.

Aneks D

Primjer uporedne tabele za označavanje životinja i kontrolu njihovog kretanja. U ovom primjeru se radi o nekoliko Uredbi i Direktiva EU s kojima treba izvršiti usklađivanje.

Ključne tačke za razmatranje:

1. Stvaranje ministarskih radnih grupa za pripremanje legislative ili ocjenu legislative pomoću uporednih tabela (u smislu da li su ispunjeni zahtjevi EU), je sasvim uobičajeno sredstvo rada u zemljama članicama EU i zemljama povezanim s EU. Teško je objasniti zašto za ovaj proces treba toliko vremena u Bosni i Hercegovini.
2. Izjave dobivene prilikom zadnje misije po pitanju nivoa usklađenosti s legislativom EU i provođenja domaće legislative su donekle kontradiktorne izjavama datim na sastanku održanom 04.06.2007. (pogledati službenu zabilješku od 05.06.2007.)
3. Realistična procjena situacije je preduvjet za sve aktivnosti u veterinarskom sektoru, uključujući projektne aktivnosti. Bez realistične procjene situacije, uloženi novac i rad vjerovatno neće polučiti planirani uspjeh i održivost.

4. Sljedeći koraci

Molim dodajte detalje za bilo koje aktivnosti koje trebaju slijediti:

AKTIVNOST BR.	OPIS	ODGOVORNA OSOBA	DATUM
	Službeno imenovanje radne grupe	dr. Bagarić	juni 2007.
	Radionica o napretku radne grupe	dr. Bambauer	

5. Zaključak

Za ostvarivanje napretka po ovom pitanju ključno je da se službeno imenuje radna grupa kojoj će se povjeriti zadatak pravljenja nacrtu veterinarske legislative u određenom vremenskom okviru.

Niže potpisani ekspert bi pomogao u ocjeni situacije i rada koji ostvari radna grupa u septembru/oktobru 2007. godine.

6. Datum i potpis eksperta

Varšava, 18.06.2007. godine

Dr. Bambauer

PRILOZI

ANEKS A

Obrazac popisa za poređenje sve veterinarske legislative u BiH s odgovarajućim Direktivama, Odlukama i Uredbama EU.

ANEKS B

Uporedna tabela u kojoj se poredi Uredba EU 999/2001 sa domaćim propisom (Stupac 2 sadrži domaći propis). Za Bosnu i Hercegovinu, sadržaj stupca 2 treba zamijeniti domaćim propisom iz Bosne i Hercegovine iz predmetne oblasti (pravila za sprečavanje, kontrolu i iskorjenjivanje određenih transmisivnih spongiformnih encefalopatija).

Aneks C

Uporedna tabela u kojoj se sa domaćim propisom poredi Direktiva Vijeća 96/23/EC od 29.04.1996. godine, o mjerama za praćenje nekih supstanci i njihovih rezidua u živim životinjama i proizvodima životinjskog porijekla. Za Bosnu i Hercegovinu, sadržaj stupca 2 treba zamijeniti domaćim propisom iz Bosne i Hercegovine iz predmetne oblasti.

Aneks D

Primjer uporedne tabele za označavanje životinja i kontrolu njihovog kretanja. U ovom primjeru se radi o nekoliko Uredbi i Direktiva EU s kojima treba izvršiti usklađivanje.